



Northern Cape
Department of Education

Se
Lete!

2026 IKWADISO YA YA BARUTWANA

www.ncdoeadmissions.org

Rre Abraham Vosloo

Mokhuduthamaga wa lefapha la thuto



14 Moranang 2025 go fitlhelela ka 23 Motsheganong 2025

Lefapha la Thuto mo Kapa Bokone le tsaya kopo ya ikwadiso jaaka kgato ya ntlha ya katlego ya ngwaga wa dithuto. **Ka jalo, lefapha le tla bulela kopo ya dikamogelo tsa barutwana ba 2026 mo inthaneteng go tloga ka Moshupulogo, 14 Moranang 2025 ka ura ya 09:00 go fitlha ka la Labotlhano, 23 Motsheganong 2025 ka ura ya 23:59 bosigogare.** Ikwadiso ya baithuti ka inthenete, e lebane baithuti ba Kereiti ya R, 1 le 8 fela.

Modirakopo o tshwanetse go etela mo webosaeteng e e latelang:- www.ncdoeadmissions.org - go tsenya kopo-ikwadiso e e nang le dikgato di le 3, eleng, (1) lekwalo itshupo la motsadi / motlhokomedi wa semmuso (2) Porofaele ya barutwana le (3) Lekwalokopo. Batsadi ba tshwanetse go netefatsa fa dikgato tse 3 tse di umakilweng fa godimo, di tladitswe ka botlalo, go thusa gore kopo ya ikwadiso e atlege.

Ditokomane tse di latelang di tshwanetse go nna karolo ya kopo mo mafaratlhatlheng (online)

- Lekwaloitshupo (ID) la motsadi/ motlhokomedi wa semolao kgotsa maikano(Affidavit) fa motsadi/ motlhokomedi wa semolao a se na ditokomane tseo.
- Aterese ya kwa lapeng ka leina la motsadi/ motlhokomedi wa semolao yo o dirileng kopo-ikwadiso.
- Setifikeiti sa matsalo sa morutwana.
- Karata ya tlilini/ bopaki jwa go entiwa ga morutwana (kereiti ya R le 1).
- Dipholo(Raporoto) ya morutwana ya ga jaana ya Kereiti 7 - (Mopitlwe 2025).

NB: Fa ele gore nngwe ya ditokomane tse di umakilweng fa godimo ga yaka ya akarediwa ka nako ya kopo, tokomane eo e tshwanetswe go romelwa ka mafaratlhatlha mo malatsing a le supa (7) morago ga go dira kopo.

Dikopo tsotlhe di tla sekegelwa tsebe go ikaegilwe ka mabaka a a latelang go ya ka tatelano:

- Morutwana o tshwanetse a bo a nale wa gaabo yo o tsenang sekolo se le sengwe le kwa o tsenyang kopo teng (wa gaabo re raya gore baithuti ba tshwanetse gonna bana ba motho, ba tlhakanetse Mme kgotsa Rre)
- Fa tulo/legae la modirakopo le le mo lefelong le le lengwe le sekolo se a tsenyang kopo kwa go sona.
- Fa modirakopo a dula gaufi le mo sekolo seo a dirang kopo mo go sone se le gaufi le mo a dulang teng
- Fa motsadi / motlhokomedi wa semolao a thapilwe kwa sekolong se a tsenyang kopo kwa go sona.
- Fa go na le diphatlha tse di bulegileng morago ga gore barutwana ba ba dirileng kopo ka mabaka a a fa godimo ba amogetswe botlhe, badiradikopo ba bangwe ba tla atlanegisiwa go ya ka tatelano ya maemo a dikopo tsa bona.

Mo ipaakanyetsong ya kamogelo ya barutwana ba 2026, Lefapha le ntshitse lekwalo kitsiso (Circular 10/2025) go kaela dikolo ka moo di tshwanetseng go samagana/ mekamekana le ikwadiso ya barutwana mo dikolong tsa puso

Fa o batla tshedimosetso go ya pele, etela webosaete ya lefapha mo <https://ncdoe.ncpg.gov.za>

**IKGOLAGANYE LE 'CALL CENTRE' KA GO LETSETSA:
053 874 7189 | 053 874 7012 | 053 874 7161 | 053 874 7239**